

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Aber nun wirst du sye schlagen zedrey malen. Darumb heliseus starb. vnd sy begrubē in. Die rauber aber künē vō moab in das land. in dem iare. Vñ etlich. die da begrubē einen mensche. sahen die rauber. vnd sie verwurffen das ash in das grab helisei. Vnd da das ash hette gerüret die beyn helisei. der mensch ward wider lebendig. vñ stund auff seine fuß. Darumb azahel d künig syrie. peyniget israhel i allē tagē ioachaz Vñ der herr erbarmet sich ir. vñ keret wider zu in. vmb sein gelübd. das er het mit abrahā. vnd mit ysaac. vñ mit iacob. vñ wolt sy mit gantz vertilgen noch verwerffen. vntz zu der gegenwurtigen zeit. Wan azahel d künig syrie starb. vñ benadab sei sun regieret für in. Aber ioas d sun ioachaz. nam die stet von der hand benadab des suns azahel. die er het genumē vō der hand ioachaz seines vaters. mit recht des streyttes. Joas schlug in zu drey malen. vnd widergab die stet israhel.

### Das. XIII. Capitel. wie

ioas iherusalē zerstōret. vñ der maurē einē teyl abbrach. vnd den tempel berawbet.

#### IN dē andern iar ioas

des suns ioachaz des küniges israhel regieret amazias der sun ioas des küniges iuda. er was funfundzweyntzig ierig. da er anfieng zeregieren. vnd regieret neunundzweyntzig iar in iherusalē. Der nā seyner muter was ioaden. vō iherusalē. Vñ er tett das recht was vor dē herrē. yedoch mit als dauid sein vater. Er tett nach allē dingē. die da tett ioas seyn vater. nur allein daz er mit abnam dy hohē ding wan noch opfert das volck. vnd brant den weyrach in den hohē dingē. Vñ da er het behabt das reich. da schlug er seine knecht. die do hetten getōdt den künig seinen vater. Aber dy sūnder. die in hetten getōdtet erschlug er nit. nach dem. das da ist geschribē in dē buch d ee moysi. als der herre het gebottē. sagend. Die veter werden nit sterben für die sūn. noch die sūn für die veter. aber ein yeglicher wird sterbē in seynē sūnd. Der schlug edom yn dē tal des saltzgemachts zehentaufent. vnd er begriff dē fels in dem streyt. vñ huyß seinen namen iezechel vntz an disen gegenwurtigen tag. Da sant amazias botten zu ioas dem sun ioachaz. des suns iehu. des küniges israhel. sagend. Künig daz wir sehen aneinander. Vñ ioas der künig israhel

hel sant wider zu amasiam dem künig iuda. sagend. Die karte des libans sant zu dem zeder paron. d do ist in libano. sagēd. Gib dem tochter meinē sun zu einē weyb. Vñ die tyer d wildnuß. die da sein in dē libā. giengē vñ vndertrātē dy karte. Schlachend hastu angesiget edom. vñ dein hertz hat sich erhabe. Bis benüget in der wun. vnd sitz in dein hawß. Warumb bewegst du das vbel. das du vallest. vñ iudas mit dir. Vnd amazias veruolget mit. Vñ ioas der künig israhel stig auff. vñ sy sahē sich er. vñ amazias d künig iuda. in bethsames in dē castel iude. Vñ iuda ward geschlagē vor israhel. vñ sie fluchen ein yeglicher in seine tabernackel. Joas aber d künig israhel. fienge amasiā dē künig iuda. dē sun ioas. des suns ochozie in bethsames. vñ furt in in iherusalē. Vñ durchbrach die maur iherusalē. von dē tor effraym. vntz zu dē tor des winckels vierhundert elenbogē. Vñ nā alles gold vnd dz silber. vñ alle vaf. die da wurdē fundē in dē hawß des herrē. vñ in den schetzen des künigs vñ die gabē d besessen. vñ keret wid in samariā Aber die andern ding d wort. die ioas tett. vnd sein sterck. mit d er streyt wid amasiā den künig iuda. sein geschriben in dē buch d wort der tag d künig israhel. Vñ ioas schließ mit seinen veter. vñ ward begrabē in samaria. mit den künigē israhel. Vñ iheroboā sein sun. regieret für in Aber amazias d sun ioas d künig israhel lebet funfundzweyntzig iar. nachdem ioas d sun ioachaz des künigs israhel w3 tod. Aber die andern ding d wort amasie sein geschribē in dem buch d wort d tag d künig iuda. Vnd es ward wid i. ein beschwerung i iherusalē. vñ er floh i lachis. vñ sie santē nach im in lachis. vñ toden in da. vñ trugē in auff rossen. vñ begrubē in in iherusalē mit seinē veter in d stat dauid. Vnd alles volck iude. nā vō dammen azariā. d do w3 geborn sechtzehē ierig. Vñ sie satzte in zu einem künig für amazias seinē vater. Der selb barwet abilā. vñ gab sie wid iude. Darnach schließ d künig mit seinē veter. In dem funfzehendē iar amasie des suns ioas des künigs iuda regieret iheroboā d sun ioas des künigs israhel einundvierzigt iar in samaria. Vñ tett dz da w3 vbel vor dē herrē. Er schyed sich mit vō allen sūnden iheroboā des suns nabath. d do machet sūndē israhel. Der widerbarwet dy end israhel von dē eingang emath. vntz zu dē mere d einode. nach d red des herrē gottes israhel. dy er redt durch